



Tjarnargötu 11
101 Reykjavík

Hér með sendist útskrift úr gerðabók skipulags- og samgönguráðs frá 9. janúar 2019 varðandi eftirfarandi mál.

Húsverndarsjóður Reykjavíkur 2018

Lögð fram tillaga umhverfis- og skipulagssviðs að auglýsingu um umsóknir um styrki úr Húsverndarsjóði Reykjavíkur 2019 og breytingu á reglum fyrir húsverndarsjóð Reykjavíkurborgar. Einnig er lögð fram tillaga formanns umhverfis- og skipulagsráðs um tilnefningu fulltrúa ráðsins í starfshóp um styrki úr Húsverndarsjóði Reykjavíkur 2018.

Samþykkt.

Vísað til borgarráðs.

Fulltrúar skipulags- og samgönguráðs í vinnuhóp eru Hjálmar Sveinsson og Hildur Björnsdóttir.

Skipulags- og samgönguráð bókar: Skipulags- og samgönguráð leggur til að starfshópurinn skili inn tillögum til ráðsins að nýjum styrkuppþæðum fyrir úthlutun 2020.

F.h. umhverfis- og skipulagssviðs


Örn Sigurðsson

Fylgiskjöl: tillaga umhverfis- og skipulagssviðs um styrki úr Húsverndarsjóði Reykjavíkur 2019, breyting á reglum fyrir húsverndarsjóð Reykjavíkurborgar og tillaga formanns umhverfis- og skipulagsráðs um tilnefningu fulltrúa ráðsins í starfshóp

STYRKIR ÚR HÚSVERNDARSJÓÐI REYKJAVIKURBORGAR

Húsverndarsjóður Reykjavíkur auglýsir eftir umsóknum um styrki til viðgerðar og endurgerðar á byggingum í Reykjavík sem hafa sérstakt varðveislugildi af listrænum eða menningarsögulegum ástæðum.

Eftirtaldar upplýsingar skulu koma fram í umsókn:

1. Lýsing á fyrirhuguðum framkvæmdum.
2. Tímaáætlun.
3. Kostnaðaráætlun.
4. Ljósmynd af húsinu eins og það er nú og eldri ljósmynd ef hún er til.

Frekari upplýsingar eru veittar í Húsverndarstofu í Árbæjarsafni sem opin er á miðvikudögum frá kl. 15-17 og í síma 411 6333 á sama tíma.

Umsóknir eru eingöngu móttæknar á þar til gerðu eyðublaði sem er að finna á rafrænni Reykjavík; <http://rafraen.reykjavik.is>.

Opnað verður fyrir aðgengi að umsóknum þann 20. janúar 2019, kl. 13:00, og lokað verður 20. febrúar 2019, kl. 23:59.

Vakin er athygli á því að styrkir sem úthlutað verður 2019 og verða ekki nýttir á árinu falla niður.

REGLUR FYRIR HÚSVERNDARSJÓÐ REYKJAVÍKURBORGAR

1. gr.

Húsverndarsjóður er í eigu borgarsjóðs. Hlutverk sjóðsins er að veita styrki til endurgerða eða viðgerða á mannvirkjum í Reykjavík, sem sérstakt varðveislugildi hafa af listrænum eða menningarsögulegum ástæðum, enda séu framkvæmdir í samræmi við upprunalegan byggingarstíl mannvirkis og sjónarmið minjavörslu.

2. gr.

Ráðstöfunarfé sjóðsins skal ákveða í fjárhagsáætlun Reykjavíkurborgar ár hvert og skal því varið í samræmi við tilgang sjóðsins. Skipulags - og samgönguráð skal skipa fimm manna vinnuhóp, með tveimur kjörnum fulltrúum úr skipulags - og samgönguráði, einum starfsmanni frá skipulagsfulltrúa, einum frá byggingarfulltrúa og einum frá embætti borgarminjavarðar. Vinnuhópur gerir umsögn um styrkumsóknir og leggur tillögu fyrir skipulags - og samgönguráð. Afgreiðsla skipulags - og samgönguráðs skal lögð fyrir borgarráð til staðfestingar.

3. gr.

Skipulags - og samgönguráð skal auglýsa opinberlega eftir umsóknum um styrkveitingu úr sjóðnum í byrjun árs. Styrkumsóknir, ásamt gögnum, skulu berast innan umsóknarfrests sem skal að jafnaði vera þrjár vikur.

Skipulags - og samgönguráð getur sett sérstök skilyrði varðandi styrkveitingar úr sjóðnum, s.s. að lögð verði áhersla á tiltekin svæði eða götur í Reykjavík við úthlutun styrkja. Skal þá vakin sérstök athygli á því í auglýsingu.

Einnig getur skipulags - og samgönguráð sett skilyrði varðandi einstakar styrkveitingar úr sjóðnum, s.s. að styrkur skuli greiddur út í hlutum og að framkvæmdum sé lokið innan tiltekinna tímamarka.

Skipulags - og samgönguráð skal að jafnaði gera tillögur til borgarráðs um styrkveitingar eigi síðar en fjórum vikum eftir að umsóknarfrestur rennur út.

4. gr.

Umsóknum um styrki úr sjóðnum skulu fylgja greinargóðar upplýsingar um fyrirhugaðar framkvæmdir á sérstökum umsóknareyðublöðum ásamt fylgigögnum. Vinnuhópur skipulags - og samgönguráðs getur óskað eftir frekari gögnum og upplýsingum eftir því sem þurfa þykir.

5. gr.

Sérstaka áhersla skal leggja á styrkveitingar til framkvæmda sem miða að því að færa ytra byrði húsa til upprunalegs horfs. Að jafnaði skal ekki veita styrki til framkvæmda sem teljast eðlilegt viðhald, s.s. endurnýjun og málun á ytra byrði húsa.

Styrkir úr sjóðnum skulu eingöngu veittir til þeirra framkvæmda eða framkvæmdaþátta sem umhverfis- og skipulagsráð, að fenginni umsögn vinnuhóps, metur styrkhæfa.

6. gr.

Áður en framkvæmdir sem hlotið hafa styrk úr sjóðnum hefjast skal leggja fram verkáætlun til samþykktar hjá Borgarsögusafni Reykjavíkur/ Húsverndarstofu. Við útfærslu á framkvæmdum skal hafa rit Húsafríðunarnefndar ríkisins um viðhald og endurbætur friðaðra og varðveisluverðra húsa til hliðsjónar.

Styrkur úr sjóðnum verður greiddur út þegar styrkþegi hefur undirritað yfirlýsingu um að hlíta settum skilyrðum og framkvæmdir, sem styrkur hefur verið veittur til, hafa sannanlega verið hafnar.

Komi í ljós að styrk úr sjóðnum hafi ekki verið varið í tilgreindar framkvæmdir innan eins árs frá greiðslu hans eða vikið hafi verið frá upplýsingum í umsókn, skal styrkþegi endurgreiða styrkinn þegar í stað. Hægt er þó að sækja um viðbótarfrest allt að einu ári til skipulags - og samgönguráðs, ef rökstuddar ástæður eru fyrir verktöfum.

Sé styrkur ekki sóttur fyrir 31. desember sama ár og honum er úthlutað fellur hann niður.